



COMUNU DE CABUDERRA

Tzitadi Metropolitana de Casteddu

CÒPIA

DELIBERATZIONI DE SA GIUNTA COMUNALI

N. 65 DE SU 17/06/2020

CHISTIONI: *PATU DE AMISTADI CUN SU COMUNU DE SAONARA*

S'annu **2020** sa dii de su **17** de su mesi de **Làmpadas** a is **11.00** e afatantis, in sa domu comunali, tzerriada a s'acorrallai a posta, s'est atòbiada sa Giunta Comunali me is personas de is Sennoris/ras:

Nòmini e Sangunau	Càrriga	Presèntzia
Francesco Dessì	Sindigu	eja
Corda Silvano	Assessori	eja
Craboledda Enrico	Assessori	eja
Farigu Daniela	Assessori	eja
Melis Carla	Assessori	eja
Piga Beniamino	Assessori	eja

In Presèntzia 6

In Ausèntzia 0

Pigat parti su Segretàriu Generali D.ssa Maria Efsia Contini;

Su Sindigu, Francesco Dessì, pigada sa presidèntzia e averigau su nùmeru legali de is chi ddoi funt, decarat abertu s'arròllu e cumbidat a deliberai de sa chistioni arremonada asuba

Deliberazioni de sa Giunta Comunali



COMUNU DE CABUDERRA

SA GIUNTA COMUNALI

PREMÌTIU:

ca ocannu, 2020, si festant is duxentus annus de sa fondatzioni de s'azienda Sgaravatti, si festant is 200 annus de sa fondatzioni de s'azienda Sgaravatti, chi est una de is mellus in totu sa natzioni in su setori florovivaisticu e architetonicu de is giardinus;
chi s'azienda s'agatat in su Comunu de Cabuderra e chi est una de is realidadi econòmica prus de importu e de prestìgiu de su territòriu;
chi sa proprietadi de s'azienda est in origini de Saonara (comunu in provincia de Padova);
ca s'Aministratzioni comunali de Cabuderra tenit idea de ingolli s'ocasioni de su Bicentenàriu po sugellai su raportu de amistadi chi ddoi est intru de s'azienda e de su territòriu cabuderresu;
RITÈNNIU de interessu comunali tenni relatzionis de amistadi, cuncàmbias culturalis e ocasionis econòmicas cun logus innui bivit genti fainera cumentis cussa veneta, cumentis sa comunidadi de Saonara;
PIGAU ATU de su fatu ca custa idea est a donu;
Biu su parri po su chi pertocat sa regolaridadi tènnica donau in virtudi de s'art. 49, comma 1, de su D.Lgs. n. 267/2000;

DE ACÒRDIU E CUNCÒRDIU DELÌBERAT

1) De proponni a su Comunu de Saonara sa sutascritzioni de unu Patu de amistadi chi ndi pesit raportus de cuncàmbias culturalis cun su fini de cresci ambedus is biddas ma puru promovì agiudus torraus de tipu econòmicu intru is duas diferentis realidadi territorialis;

2) De domandai a su comunu de Saonara ita ndi pentzat de custu schema de Patu.

PATU DE AMISTADI

Su Sìndigu de Cabuderra (Tzitadi Metropolitana di Casteddu), sen. Francesco Dessì,
e

su Sìndigu de Saonara (Provincia de Padova), sen. Walter Stefan,

in rappresentàntzia de is comunidadis cosa insoru e assistius de is Segretàrius comunalis cosa insoru,

BISTAS is deliberatzionis de is Giuntas chi ant aprovau s'idea e su schema de custu àutu;

CUN SA SPERA chi custu Patu potzat afortiai e donai firmesa a is raportus de amigàntzia e agiudu pesendindi is fundamentus po unu gemellàgiu;

Funt de acòrdiu po su chi sighit assentau:

a) Is partis, donniuna po su chi ddi spetat, ant a promovì s'amistadi, s'agiudu, sa collaboratzioni intru de Enti pùblicos e privaus de is territòrius cosa insoru cun su fini de ndi pesai ocasionis nobas de irvilupu sociali e econòmicu;

b) Is partis, in d-unu contestu de càmbiu, ant a agilitai sa connoscèntiza de pari a càmbiu intru is duas comunidadis fintzas po mèdiu de sa promovida de ocasionis de atòbbiu e programas de ospitalidadi.

c) De pùblicai in s'Albo Pretòriu po is 15 diis afatantis, a inghitzai de sa data de esecutividadi de custa deliberatzioni, su Regolamentu cumentis modificau;

d) De donai autu cun una àtera votatzioni ca custa deliberatzioni benit a essi decrarada, de acòrdiu, luegus esecutiva in virtudi de s'art. 134, comma 4, de su D.Lgs. 18 austu 2000, n. 267.

Deliberatzioni de sa Giunta Comunali



COMUNU DE CABUDERRA

Lìgiu, aprovau e sutascritu.
SU SEGRETÀRIU GENERALI
F.to D.ssa Maria Efsia Contini

SU SÌNDIGU
F.to Francesco Dessì

Sa presenti deliberatzioni est pùblicada in s'Albo Pretòriu de su Comunu po 15 diis.

SU SEGRETÀRIU GENERALI
F.to D.ssa Maria Efsia Contini

Còpia conformu a s'originali po impreu amministrativu donada su _____.

SU FUNTZIONÀRIU